



1A SESSIONE ORDINARIA PÈ U 2017

RIUNIONE DI I 27 È 28 D'APRILE

N° 2017/O1/024

QUISTIONE ORALE SPOSTA DA M. Christophe CANIONI

MICCA ISCRITTU

OGETTU : Transizione energetica è petro-dipendenza

Madama a Presidente,

A nostra ecunomia muderna nata da a rivuluzione industriale hè liata di modu intimu à e risolve d'energie fussile, particularmente u carbone, u gasu è u petroliu. A prima scossa petroliera in u 1973, hà fattu piglià cuscenza à e nostre ecunomie sviluppate, malgradu fattori geopolitichi dinù, di a limita di e riserve di l'energie fussile in u mondu.

U 2005 hè statu l'annu chì a pruduzione petroliera stancia di cresce in u mondu è in u 2007, i paesi di l'OCDE sò passati pè una pruvista energetica massima è cumencianu da tandu à calà. Simu dunque in calata petroliera supportata in termine di pruvista in vulume, per via di a dumanda forte da perechji anni di paesi emergenti cum'è u Brasiliu, l'India, o a China chì hè diventatu u primu paese impurtatore di petroliu.

E risolve dispunibile stabilite ùn permetteranu più di sudisfà, in cunsumu permanente, i bisogni mundiali in i decenni à vene. Pè memoria, a scuperta di l'ultimu ghjacementu di petroliu data di l'anni 70.

Pocu fà, ecunumisti è specialisti in energia cum'è Alain Grandjean, Gaël Giraud, o Jean-Marc JANCOVICI anu teorizatu u principiu di causalità trà PIB è pruvista energetica.

I so travagli anu messu in risaltu, parlandu di a fine di l'anni sessanta finu à oghje, a currelazione di e curve trà PIB è energia chì calanu di modu graduale è

strutturale, cun a cunsequenza di a strutturazione di a crisa, ampliificata dopu à u 2008 da quella di e subprime, è a splusione di a disocupazione.

D'altronde, i paesi chì anu patutu, cun grande viulenza a crisa di e subprime di u 2008 fubbenu i più petro-dipendenti (50% à 60%) per via di u so missu energeticu cum'è a Spagna, u Purtugallu è a Grecia chì e strutture ecunomiche s'avvicinanu à a nostra.

Sappiate chì a media mundiale di l'impurtazione di petroliu ni volume tutale di i bisogni in energia primaria si situeghja à 35%.

Pè a Corsica, l'impurtazione petruliere ripresentanu 72% di i so bisogni in energia primaria, sianu duie volte di più ch'è a media mundiale. Quessa situeghja u bottulu di periculu di a nostra petro-dipendenza è dunque a fragilità di a nostra ecunomia, s'ellu si tene contu di u principiu precitatu di causalità PIB/AE oramai è definitivamente cù una tendenza à calera.

U passu energeticu risponde di modu parziale à a prublematica di a fine di e risolve di l'energie fussile. (vede u raportu N°5 di u GIEC, fonte l'AIE). Si deve fà u custattu chì u prucessu hè longu è e misure sempre debule.

Fà calà a nostra petro-dipendenza hè dunque una priurità à mediu andà cun l'obbiettivu d'avvicinà si à a media mundiale. Di pettu à issu custattu, a necessità d'una pulitica di più vuluntarista in materia di riduzione di e nostre impurtazione d'energie fussil, di una maestria più grande di u cunsumu di l'energie finale è d'una diversificazione di u nostru missu energeticu primariu hè secondu noi una priurità.

Pudemu cuntà, madama a Presidente, nantu à a vostra maestria è a vostra vuluntà pulitica per chì a Corsica sia risparmiata di e cunsequenze d'una crisa energetica chì s'affacca inesorabilmente ?

Vi ringraziu.